

## ГЕНДЕР ТАРИХИ ВА УНИНГ ТАДҚИҚОТ УСУЛЛАРИ

<sup>1</sup>Шадманова Санобар, Тошкент давлат шарқиунослик университети, тарих фанлари доктори, профессор  
<sup>2</sup>Иминохунова Наимахон, Oriental университети магистри

## HISTORY OF GENDER AND ITS RESEARCH METHODS

<sup>1</sup>Shadmanova Sanobar, Tashkent State University of Oriental Studies,  
doctor of history, professor  
<sup>2</sup>Iminokhunova Naimakhon, master of Oriental University

## ИСТОРИЯ ГЕНДЕРА И МЕТОДЫ ЕЕ ИССЛЕДОВАНИЯ

<sup>1</sup>Шадманова Санобар, Ташкентский государственный  
университет востоковедения, доктор исторических наук,  
профессор

<sup>2</sup>Иминохунова Наимахон, магистр университета Oriental  
**Аннотация:** Уйбу мақолада гендер тарихига оид тадқиқотлар борасида фикр-мулоҳазалар келтирилган. Шунингдек, гендер тарихини ўрганиши бўйича олиб борилаётган тадқиқотлар, уларнинг ўзига хос усуllibари ўрганилган.

**Калим сўзлар:** гендер тарихи, методлар, тадқиқот усуllibари, хотин-қизлар тарихи.

**Abstract:** This article presents reviews of gender history research. Research conducted on the study of gender history and their specific methods are also studied.

**Keywords:** gender history, methods, research methods, women's history.

**Аннотация:** В данной статье представлены отзывы об исследованиях гендерной истории. Также изучаются исследования, проводимые по изучению гендерной истории и их специфические методы.

**Ключевые слова:** гендерная история, методы, методы исследования, женская история.

**КИРИШ.** Жаҳон тарихшунослигида XX асрнинг 70-йилларида “хотин-қизлар тарихи” янги йўналиш сифатида пайдо бўлди ва долзарблик касб этди. “Хотин-қизлар тарихи”-нинг асосий йўналиш сифатида шакланишига унга оммавий ҳаракатлар тарихини ўргангандар тадқиқотчилар қизиқиши таъсир этган. Замонавий муаммоларни тушунишда феминизм ва суфражизм тарихини ўрганиш: шубҳали тарзда шухрат қозонган аёлларга “зулм” деганда нимани тушуниш керак, у хар доим ҳам бўлганми, қачон ва

қаерда вужудга келган, у пайдо бўлиш сабаблари ва яшаш шакллари, тенгсизликни йўқотиш усуllibари ва йўллари. “Хотин-қизлар тарихи” бўйича дастлабки ишлар АҚШда women's studies илмий дастури асосида амалга оширилган.

**АДАБИЁТЛАР ТАҲЛИЛИ ВА МЕТОДЛАР.** Дастлаб АҚШда, кейинчалик кўпгина Европа мамлакатларида Хотин-қизлар тадқиқотлари институционализация қилина бошлиди: факультетлар ва тадқиқот лойиҳалари, гурӯх ва лабораториялар шаклланди ҳамда улар



1

<sup>1</sup>[https://orcid.org/  
0002-0005-1588-2191](https://orcid.org/0002-0005-1588-2191)  
<sup>1</sup>e-mail:  
[sanobar\\_shadmanova  
@mail.ru](mailto:sanobar_shadmanova@mail.ru)



2

<sup>2</sup>[https://orcid.org/  
0004-0008-1476-9217](https://orcid.org/0004-0008-1476-9217)  
<sup>2</sup>e-mail:  
[iminoxunova@mail.ru](mailto:iminoxunova@mail.ru)

“Хотин-қизлар тарихи”ни фанлараро спектрдан ўргана бошладилар. 1980-йиллар бошида Гарб мамлакатлари олий ўкув юртларида юзлаб ўкув курслари вужудга келди ва ўнлаб олий ўкув юртлари талабаларни бу соҳага ихтисослаштириди. Аммо бу йўналишда иш олиб борган тадқиқотчилар алоҳида “Хотин-қизлар тарихи” билан шуғуланиш уларни боши берк кўчага олиб киришини тушуниб етдилар. Шунинг учун 1980-йилларда гендер концепцияси вужудга келди, яъни “Хотин-қизлар тарихи” “эркаклар тарихи” билан албатта кесишиши лозим эди. “Хотин-қизлар тарихи” ва “эркаклар тарихи”ни бир-бирига қарши қўйиб бўлмаслигини тадқиқотчилар тушуниб олдилар. Барча давлатлардаги тадқиқотчилар ижтимоий тадқиқотларда гендер омилини хисобга олиш заруриятини англаб етдилар.

Янги тарих бўйича ишлар муаллифи, машхур америкалий-канадалик тарихчи Натали Земон Дэвис “Йўл ёқасидаги аёллар” номли тадқиқотида мавжуд андозалардан четга чиқишни ўз олдига мақсад қилиб қўйди. Китоб XVII аср тарих майдонига кирмаган учта аёл тақдирига бағишиланиб, унда аёл шахсининг ўз-ўзини реализация қилишининг ноанъанавий йўлларини танлашга қаратилган шахсий ҳаёти ўрганилган. Китобда уч хил тоифадаги, бир-бирини танимайдиган аёллар ҳаёти тасвирланиб, улар ўзаро ўхшаш ташки шароитга боғланиб қолгани таъқидланади. Бу аҳвол хотин-қизлар эмансиپациясига қарши бўлган асрда оддий маиший турмушдан бошлаб, жамиятда аёлнинг ўзини қандай тутиши ҳақида талабларгача ўхшашлиги билан боғлик эди. Ушбу китобда тасвирланган аёллар тақдири маълум бир тарихий даврни яхлит маданият сифатида қабул қилишимиздаги қолипни ўзгартириш имконини беради. Шунга қарамасдан, бир-бирига ўхшамаган мазкур аёллар анъанавий тасаввурлар доирасидан ва мавжуд қолиплардан чиқсан ҳолда хулқ-атворларини намойиш қиласди. Яхудий, католик ва протестант аёлларнинг тарихи XVII аср ҳақидаги билимнинг янада тўликроқ бўлишига хисса қўшади ҳамда аёллар тимсолининг ўзига хос жиҳатларини очиб беради[2].

**МУҲОКАМА.** СССРда эса 1985 йилгача, яъни қайта куриш давригача нафақат гендер тадқиқотлари, балки “хотин-қизлар тарихи” ҳам мустақил йўналиш сифатида мавжуд эмас эди. Бу даврда СССРда дастлабки тадқиқотлар вужудга

келди, лекин ушбу мавзу илмий жамоатчилик томонидан қўллаб-қувватланмади. СССРда “хотин-қизлар тарихи” “амалий” характердаги ижтимоий фанларда социологлар, хуқуқшунослар, демографлар ва этнографлар томонидан бирмунча тадқиқ этилган, масалан, никоҳ ва оила муносабатларининг эволюцияси тадқиқ этилганда жинс омилини ҳисобга олмасликнинг иложи йўқ эди. Бу борада тарихчилар ва файласуфларнинг вазифаси мураккаброқ бўлган.

1980 йиллар охиридан СССРда инглиз тилидаги феминистик адабиётлар таржима қилина бошлайди. 1990 йилда Москвада гендер тадқиқотлари маркази Россия ФА илмий тармоғи сифатида вужудга келган, 1994 йилда у хотин-қизлар нодавлат ташкилоти сифатида рўйхатга олинган. 1991 йил бундай марказлар Санкт-Петербургда (университет қошида ва Россия Фанлар Академияси социологик тадқиқотлар Институти филиали хузурида), 1992 йилда бошқа шаҳарларда ҳам вужудга келади. Бундай марказлар, аввало, социологлар ва демографлар, иктисадчилар ва хуқуқшунослар, қисман, этнologлар, тиббиёт ходимлари, психологларни бирлаштирган эди. Ўз илмий фаолиятини янги йўналиш хотин-қизлар, айниқса, гендер тадқиқотлariiga бағишилган тарихчилар эса МДҲ мамлакатларида ҳозирги кунгача камчиликни ташкил этади. Бунинг асосий сабаби – социологлар, психологлар, медиклар ва демографлар тадқиқотлари амалий характерга эгалигидар. 1990-йилларнинг ўрталаридан “хотин-қизлар тарихи” бўйича курслар Россиянинг бальзи университетларида ўқитила бошлади. Охирги 25 йилда жаҳонда “хотин-қизлар тарихи”ни ўрганиш ниҳоятда ривожланди, ўнлаб журналлар ушбу мавзуда маҳсус рукнларга эга, ҳар йили турли давр ва минтақалар бўйича кўплаб тадқиқотлар нашр қилинади. МДҲ давлатларида бундай тадқиқотларнинг камлигига яна бир сабаб адабиётларнинг асосий қисми хорижий тилларда эканлиги ҳамда хорижий журналлардан фойдаланиш имконияти камлигидадир. Шундай қилиб, фанлараро ёндашувнинг бир йўналиши бўлган гендер тарихи “хотин-қизлар тарихи”дан фарқли равишида ўз предмети сифатида жинслар ижтимоий диалогини танлади. Гендер тадқиқотлари билан шуғулланувчи машхур олим Н.Л.Пушкирева гендер тадқиқотлари хотин-қизлар ва эркакларни “факат иерархия, стратификация ракурсида эмас, балки

уларнинг ўзаро таъсири ва бир-бирини тўлдиришининг турли кўринишлари тарихий эволюциясини” ўрганишга қаратилган. Ҳозирги замон машҳур файласуфлари Ж.Лакан, Ж.Деррида ҳамда постмодернизм феминизми тарафдорлари Ю.Кристева ва Л.Иригарэйларнинг гендер тарихи билан қизиқишилари бежиз эмас”[3]. Ижтимоий тарих ва маданият тарихи билан шуғулланувчи тадқиқотчилар гендер тарихининг фаол тарафдорлари бўлди.

**НАТИЖАЛАР.** Охирги йилларда олиб борилаётган изланишларда тадқиқот предметига жинс омилиниң таъсир қилишини ҳисобга олишга (иш ҳақи, меҳнат шароити, иш билан таъминланганлик даражаси, турли протестларга мойиллик ва б.) алоҳида эътибор берилмоқда. Бундан ташқари, тарихий демография туғилиш, ўлим, контрацепцияга ва болаларга муносабатдаги гендер фарқлар, миграциянинг гендер жиҳатлари (меҳнат, диний, никоҳ) каби масалаларни ўрганмоқда. Сиёсий тарихни ўрганишда ҳам гендер ёндашувидан фойдаланиш мумкин, айниқса, сиёсий, фўқаролик, сайлов ҳукуклари учун кураш тарихи, ҳукумат органларидағи иштироки масаласи каби жиҳатларга эътиборни қаратиш лозим. Бундан ташқари, менталитет тарихини ўрганишда ҳам гендер тадқиқотлари мухим ўрин эгаллайди. Кундалик ҳаёт тарихида, болалик, ёшлиқ, қариллик, бевалик тарихини ўрганишда масаланинг гендер жиҳатларини очиб бериш чукур илмий холосалар қилишга ёрдам беради. Шундай қилиб, гендер тарихи тарихий тадқиқотларда фанлараро ёндашувнинг намоён бўлиши ҳисобланаб, янги ижтимоий тарихнинг яхлитлигини тиклашга қаратилгандир. Гендер тарихнинг предмети ижтимоий муносабатларнинг мухим жиҳатларидан бири бўлган эркаклар ва аёллар ўртасидаги муносабатлар ҳамда уларнинг макротарихий контекстда намоён бўлиши ҳисобланади. Гендер тарихи жинсларнинг ижтимоий-маданий фарқлари ва жинслар иерархияси тўғрисидаги тасаввурлардан келиб чиқсан ҳолда уларнинг функциясини тарихий ретроспекцияда кўрсатади. Гендер муносабатлари динамикаси ижтимоий-тарихий ривожланишнинг умумий концепциясига қўшилиб кетади.

Ўзбекистонда ҳам 1990-йиллар ўрталаридан гуманитар фан соҳаси вакиллари гендер тарихи билан шуғулдана бошладилар.

2003 йилда “Гендер тадқиқоти асослари курси хрестоматияси” чоп этилди[6]. Китобда гендер назарияси ва феминизмнинг асосий тушунчалари ҳамда атамалари, гендер тадқиқотларининг назарий-услубий асослари бўйича Фарбда машҳур бўлган асарлардан парчалар ўзбек тилига таржима қилиб берилган. Масалан, француз ёзувчиси, феминистик ҳаракат ғоявий раҳнамоларидан бири Симона Бовуарнинг (1908-1986 й.) “Иккинчи жинс” (1949 й.), Кейт Миллетнинг “Жинсий сиёсат назарияси”, Р.Хофнинг “Гендер тадқиқотларининг вужудга келиши ва ривожланиши” каби тадқиқотларидан парчалар ўрин олган[5]. 2007 йилда “Гендер муносабатлари назарияси ва амалиётига кириш” тўплами нашр этилди, унда турли илмий йўналишлар: иқтисод, таълим, ҳукуқ, тарих, сиёсат ва маданият соҳасидаги гендер тадқиқотлар назарияси ва методологияси бўйича мақолалар жамланган. Илмий мақолалар тўплами икки бўлимдан иборат. Биринчи бўлимда гендер назариясининг асосий қоидалари: инсон барқарор ривожланиши концепциясининг юзага келиши ва моҳияти, гендер стереотиплар, тарихий ретроспекцияда гендер тенглиги масалалари таҳлил этилган. Иккинчи бўлим ривожланиш назарияси ва амалиётидаги гендерга бағишлиган бўлиб, иқтисод, ҳукуқ ва бошқарув соҳаси, ижтимоий секторда гендер жиҳатларни очиб беради. Ҳозирги кунда Ўзбекистон ижтимоий фан соҳаларида гендер бўйича тадқиқотларни кенгайтириш лозим. Охирги ўн йилликда хотин-қизлар масаласига Ватан тарихшунослигига[4] ва хорижий тадқиқотларда алоҳида аҳамият берилмоқда. Улар орасида Ўзбекистонда хотин-қизлар эмансипациясига бағишлиган америкалик тадқиқотчи Марианна Кампнинг илмий изланишлари мухим ўрин тутади. Унинг тадқиқотларида давлатнинг ва партиянинг сиёсатига эмас, балки хотин-қизларнинг ҳаётий тажрибаларига асосий урғу қаратилган. Марианна Камп ўзбек хотин-қизларининг субъектив тажрибасини ўрганиб, XX аср бошларида “Хужум” кампанияси эълон қилингунга қадар “янги хотин-қизлар”нинг паранжи кийишдан бош тортиши жамиятда қаршиликка учрамади, деган холосага келади. 1927 йилда бошланган кенг миқёсдаги кампания “янги хотин-қизлар”га нисбатан оммавий равишда куч ишлатишни вужудга келтирди, чунки маҳаллий

аҳоли мазкур кампанияни анъанавий турмуш тарзига қарши чиқиши деб қабул қилди. Тадқиқотчи жамиятнинг анъанавий қисми ва паранжини ташлаган аёллар ўртасидаги қарама-қаршиликни, бир томондан, совет ҳокимияти ва маҳаллий аҳоли ўртасидаги, иккинчи томондан, жамият ичидаги маданий зиддият деб қарайди. Марианна Камп ҳужум кампаниясида иштирок этган аёллар билан сұхбатлашиб, оғзаки тарих асосида тадқиқот олиб борди. Кейинчалик журналист ва тадқиқотчи Марьуфа Тўхтахўжаева Ўзбекистондаги турли касб ва турли ёшдаги хотин-қизларининг оғзаки ҳикоялари, хатлари ва кундаликлари асосида XX аср тарихий воқеаларига ойдинлик киритди. Машхур тадқиқотчилардан бири Дениз Кандиотти таъкидлашича, мазкур муаллифнинг китоблари шакл жиҳатидан илмий бўлмаса-да, унда тарихий ҳикоя, инсонлар тақдири, социологик таҳлил ва интервью, шеър ва кўшиқларнинг кўшилиши муаллиф билан жонли мuloқot қилаётгандек тасаввур уйғотади[2].

2001 йилда АҚШнинг Индиана университетида “Оммавий дискурс ва шахсий ҳаёт: Ўзбек аёли ва совет бошқаруви, 1917-1991 й.” мавзусида Элизабет Константиннинг фалсафа фанлари доктори илмий даражасини олиш учун ёзган диссертация 1917-1991 йилларда ўзбек аёллари ўртасида гендер масаласи ҳамда уларнинг ҳар кунги ҳаёти ҳамда ушбу масалалардаги ўзгаришлар тўғрисида сўз юритади. Жумладан, дастлаб муаллиф худуддаги анъанавий гендер масаласини таърифлаб, сўнг ундаги ўзгаришлар кетма-кетлигини даврий жиҳатдан таққослаб берди. Шунингдек, бу ишда гендер масаласи никоҳ тўйи, бешик тўйи, Биби Сешанба, гап, зиёрат каби маҳаллий маросимларда қандай ўрин тутгани тадқиқ қилинади[3].

Гендер тадқиқотлари бўйича машхур мутахассислардан Д.Кандиоти ва Н.Азимованинг мақоласида Ўзбекистон хотин-қизларининг диний маросимлардаги иштироки ҳамда совет даври ва мустақиллик йилларида бу борадаги ўзгаришлар ҳақида фикр юритилади. Жумладан, совет ҳокимияти йилларида диний маросимларнинг “сиёсийлаштирилиши”га қарамасдан уларда иштирок этганлари ва бунинг сабаблари очиб берилади. Муаллифлар

мустақиллик йилларида маросимлар ҳақиқий ўзбек идентиклигини тасдиқловчи таъсир бўлиш билан бирга уларда кишиларнинг мавқеи ва моддий аҳволидаги нотенглик намоён бўла бошлангани таъкидлайди. Мақолада 1997-2001 йилларда Андижон, Қашқадарё ва Хоразм вилоятларида аҳоли орасида дала тадқиқотлари натижасида олинган маълумотлар илмий истеъмолга киритилган[4].

**ХУЛОСА.** Хулоса сифатида айтиш мумкинки, бугунги кунда гендер тарихига оид тадқиқотларда турли табақага мансуб аёлларнинг ижтимоий ҳимоя тизимини шаръий ва маҳаллий қонунлар асосида таҳлил қилиш, қозилик хужжатларида акс этган иктиносий масалалар (олди-сотди, мерос, васият)ни аёллар ҳаётига таъсирини аниқлаш, XVI-XX аср бошлари никоҳ амалиётида акс этган никоҳ шартномаси масалаларини ўрганиш, аёллар масаласи билан боғлиқ юридик хужжатларни дипломатика (хужжатлар мазмуни, шакли, тузилиши ва бошқа хусусиятлари) тарихи доирасида тадқиқ этиш, уларнинг динамика ва трансформация жараёнларини кўрсатиб бериш, гендер масалаларини ўрганишга алоҳида аҳамият берилмоқда.

### АДАБИЁТЛАР РЎЙХАТИ:

1. Azimova N. Women's Survival Strategies: Their Role in Keeping Traditions Alive. Gender and Identity Construction.-Brill, Leiden, 2000.P.299-304.
2. Deniz Kandiyoti and Nadira Azimova. The communal and the sacred: women's worlds of ritual in Uzbekistan // The Journal of the Royal Anthropological Institute Vol. 10, No 2. – London, 2004. – P. 327-349.
3. Elizabeth A. Constantine. Public discourse and private lives: Uzbek women under Soviet Rule, 1917-1991. PhD diss. – Indiana University, 2001. – 295 p.
4. Алимова Д.А. Женский вопрос в Средней Азии. История изучения и современные проблемы. – Ташкент: Фан, 1991. – 132 с.
5. Гендер муносабатлар назарияси ва амалиётига кириш. – Тошкент, 2007. – 424 б.
6. Гендер тадқиқоти асослари курси хрестоматияси. – Тошкент: Ўзбекистон, 2003. – 411 б.